



**JU ZAVOD ZA MEDICINU RADA KANTONA SARAJEVO**  
Bulevar Meše Selimovića broj 2, 71000 Sarajevo, Bosna i Hercegovina

Tel: +387 33 720 180; 720 181; 720 185; 720 187  
Fax: +387 33 720 185; 720 187

*direktor@medicinarada.ba; glavnasestra@medicinarada.ba;*  
*efs1@medicinarada.ba; pravnasluzba@medicinarada.ba*  
*www.medicinarada.ba*



## **JAVNA USTANOVA ZAVOD ZA MEDICINU RADA KANTONA SARAJEVO**

Na osnovu člana 35. i 36. Statuta Javne ustanove Zavod za medicinu rada Kantona Sarajevo („Službene novine Kantona Sarajevo“, broj: 45/13 i 47/13), člana 6. Pravilnika o radu, unutrašnjoj organizaciji, sistematizaciji radnih mjesta i plaćama radnika Zavoda, broj: 02-374/18 od 19.04.2018. godine, Uredbe o postupku prijema u radni odnos u javnom sektoru na teritoriji Kantona Sarajevo ("Službene novine Kantona Sarajevo", broj: 19/21, 10/22 i 28/23), zaključka Vlade Kantona Sarajevo, broj: 02-04-53347/23 od 28.12.2023. godine, raspisuje:

### **JAVNI OGLAS za prijem u radni odnos na neodređeno vrijeme**

Javna ustanova Zavod za medicinu rada Kantona Sarajevo, raspisuje Javni oglas za prijem u radni odnos na neodređeno vrijeme, za poziciju:

#### **1. Specijalista oftalmolog - konsultant u Specijalističkoj službi sa dijagnostikom – 1 (jedan) izvršilac**

#### **I**

#### **Opis radnog mjesta:**

#### **1. Specijalista oftalmolog u Specijalističkoj službi sa dijagnostikom**

#### **Opis poslova:**

- obavlja poslove ljekara specijaliste-konsultanta, u timskom radu pri obavljanju svih vrsta preventivnih pregleda,
- vrši konsultativno-specijalističke preglede pacijenata kod kojih postoji sumnja na profesionalno oboljenje, ili je takvo oboljenje već utvrđeno,
- učestvuje u liječenju oboljelih, te predlaže odgovarajuću terapiju,
- vodi propisanu medicinsku dokumentaciju i evidenciju, učestalost oboljenja i stanja oštećenja vida i predlaže odgovarajuće mjere za otklanjanje uzroka,
- u svom radu koristi aparate i uređaje, koji služe za funkcionalnu dijagnostiku iz područja svoje specijalnosti, te daje nalaz i ocjenu dobijenih rezultata,
- prati i stručno nadzire rad medicinske sestre/tehničara,
- čuva profesionalnu tajnu i etički kodeks struke,
- ima pravo i obavezu da se kontinuirano educira,
- obavlja poslove određene standardima i normativima zdravstvene zaštite i akreditacijskim standardima,
- radi i druge poslove prema ukazanoj potrebi u skladu sa stepenom stručne spreme i zvanja,
- za svoj rad odgovara neposredno odgovornom ljekaru ili direktoru.

Mjesto rada: JU Zavod za medicinu rada Kantona Sarajevo, Bulevar Meše Selimovića 2  
Vrijeme rada: radno vrijeme od 7:30 do 15:30 sati.  
Osnovna plata: 3.040,00 KM

## II

Kandidati su dužni da ispunjavaju slijedeće uslove:

- da je državljanin BiH,
- da ima opću zdravstvenu sposobnost za navedenu poziciju,

## III

Kandidati, pored uslova iz tačke II ovog Oglasa, treba da ispunjavaju i posebne uslove, i to:

### 1. Specijalista oftalmolog - konsultant u Specijalističkoj službi sa dijagnostikom

VSS – VII - dr medicine

- specijalista oftalmolog
- položen stručni ispit,
- licenca za samostalan rad,
- položen specijalistički ispit,
- 1 godina radnog iskustva u struci, nakon položenog specijalističkog ispita

## IV

Uz svojeručno potpisanu prijavu na Oglas, kandidati su dužni priložiti kraću biografiju i dokaze o ispunjavanju općih i posebnih uslova (original ili ovjerene kopije);

- uvjerenje o državljanstvu (ne starije od 6 mjeseci),
- izvod iz matične knjige rođenih,
- ljekarsko uvjerenje o zdravstvenoj sposobnosti (napomena: ovaj dokaz će dostaviti kandidat koji bude izabran),
- diploma o završenom školovanju,
- uvjerenje o položenom stručnom ispitu,
- uvjerenje o položenom specijalističkom ispitu,
- licenca za samostalan rad,
- potvrda od poslodavca o radnom stažu.

Radna knjižica/kopija, potvrda nadležnog PIO/MIO osiguranja o ostvarenom radnom stažu, ugovor o radu/volontiranju/djelu ne mogu poslužiti kao relevantan dokaz o radnom stažu.

### **Način podnošenja prijave:**

Kandidati su obavezni dostaviti svojeručno potpisanu Prijavu na Javni oglas u zatvorenoj koverti, na kojoj je jasno naznačeno ime i prezime i adresa kandidata. Prijava na Javni oglas između ostalog treba da sadrži adresu i kontakt telefon, uz kratku biografiju sa traženim dokumentima (u originalu ili ovjerenoj kopiji) o ispunjavanju općih i posebnih uvjeta. Prijave se dostavljaju lično (svaki radni dan od ponedjeljka do petka u terminu od 08:00 do 15:00 sati) ili putem pošte.

Zatvorena koverta sa naznakom „**Prijava na Javni oglas za prijem u radni odnos na neodređeno vrijeme za poziciju: Specijalista oftalmolog - konsultant u Specijalističkoj**

**službi sa dijagnostikom". Prijave se dostavljaju na adresu: JU Zavod za medicinu rada Kantona Sarajevo, Bulevar Meše Selimovića broj 2, Sarajevo**

Sa kandidatima koji budu ispunjavali tražene uslove biće obavljen pismeni i usmeni ispit o čemu će biti blagovremeno obavješteni.

**Prioritet pri zapošljavanju**

Prioritet/prednost pri zapošljavanju ostvaruju branioci i članovi njihovih porodica pod čim se podrazumijevaju lica iz člana 1. i 2. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo" broj: 45/12 – prečišćeni tekst, 26/14, 46/17, 18/19, 20/20 i 24/12 – Ispravka), a to su članovi porodica šehida/poginulih, umrlih i nestalih branioca prvenstveno djeca, ratni vojni invalidi i njihova djeca, djeca umrlih ratnih vojnih invalida, dobitnik ratnih priznanja i odlikovanja i njihova djeca i djeca poginulih, umrlih i nestalih dobitnika ratnog priznanja i odlikovanja, branilac, demobilizirani branilac i njegova djeca, dobrovoljac i njegova djeca, organizator otpora i njegova djeca, veteran i njegova djeca sa područja Kantona Sarajevo. Naprijed navedena lica, u skladu sa Zakonom o dopunskim pravima boraca-branitelja Bosne i Hercegovine ("Službene novine Kantona Sarajevo" broj: 45/12 – prečišćeni tekst, 26/14, 46/17, 18/19, 20/20 i 24/12 – Ispravka), Uredbom o jedinstvenim kriterijima i pravilima za zapošljavanje branilaca, članova njihovih porodica u institucijama u Kantonu Sarajevo, Gradu Sarajevo i Općinama u Kantonu Sarajevo ("Službene novine Kantona Sarajevo" broj: 37/20 i 27/21) i Instrukcijom o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca, članova njihovih porodica u Kantonu Sarajevo, Gradu Sarajevo i Općinama u Kantonu Sarajevo ("Službene novine Kantona Sarajevo" broj: 38/20), imaju pravo na prvenstvo u zapošljavanju, ako su na evidenciji JU Služba za zapošljavanje Kantona Sarajevo ili su zaposlena sa nižom stručnom spremom od one koju posjeduju.

Kandidati da bi ostvarili prioritet pri zapošljavanju trebaju da dostave:

- dokaz o prijavi prebivališta u Kantonu Sarajevo izdato od MUP KS (CIPS prijava)
- da su u evidencijama JU Služba za zapošljavanje Kantona Sarajevo evidentirani kao nezaposlene osobe ili dokaz da su zaposlena sa nižom stručnom spremom od one koju posjeduju ili su zaposlene na određeno vrijeme, te
- dostaviti dokumentaciju kojom se dokazuje status korisnika prava, a prema tabeli koja je prilog navedene Uredbe.

Rb	Pripadnost branilačkoj kategoriji	Naziv dokaza – dokumenta	Organ koji ga izdaje
1.	Član porodice šehida/poginulog, umrlog i nestalog branioca	- Uvjerenje o statusu djeteta šehida-poginulog, umrlog i nestalog branioca - Rješenje o priznatom pravu na porodičnuinvalidninu za suprugu šehida-poginulog umrlog i nestalog branioca - Uvjerenje o učešću u Oružanim snagama za šehida-poginulog, umrlog i nestalog branioca	Općinska služba za boračko-invalidsku zaštitu Grupa za pitanja evidencija iz oblasti vojne obaveze prema mjestu prebivališta
2.	Ratni vojni invalid	Rješenje o priznatom svojstvu ratnog vojnog invalida	Općinska služba za boračko-invalidsku zaštitu
3.			Općinska služba za boračko-invalidsku zaštitu

	Dobitnik ratnog priznanja i odlikovanja	Rješenje o priznatom pravu na mjesečno novčano primanje dobitniku priznanja	
4.	Demobilizirani branioci	Uvjerenje o učešću u Oružanim snagama	Grupa za pitanja evidencija iz oblasti vojne obaveze prema mjestu prebivališta
5.	Dijete: a) ratnog vojnog invalida b) dobitnika ratnog priznanja i odlikovanja c) demobiliziranog borca	Uvjerenje o statusu ratnog vojnog invalida Rješenje o priznatom pravu na: a) invalidninu b) mjesečni novčani dodatak c) uvjerenje o učešću u Oružanim snagama	a) i b) Općinska služba za boračko-invalidsku zaštitu c) Grupa za pitanja evidencija iz oblasti vojne obaveze prema mjestu prebivališta
6.	Supruga ratnog vojnog invalida	Uvjerenje o statusu supruge ratnog vojnog invalida Rješenje o priznatom pravu na invalidninu	Općinska služba za boračko-invalidsku zaštitu

Vrednovanje će se izvršiti u skladu sa članom 6. pomenute Uredbe.

Javni oglas će se objaviti u dnevnim novinama, web stranici Zavoda [www.medicinarada.ba](http://www.medicinarada.ba) i na internet stranici Javne ustanove "Služba za zapošljavanje Kantona Sarajevo".

Pitanja/oblasti se mogu preuzeti na web stranici Zavoda [www.medicinarada.ba](http://www.medicinarada.ba).

Javni oglas ostaje otvoren 10 dana od dana objave u dnevnim novinama, zvanične web stranice Zavoda i na internet stranici Javne ustanove "Služba za zapošljavanje Kantona Sarajevo".

Prijave podnesene nakon isteka roka, odnosno bez potpune tražene dokumentacije, neće se uzeti u razmatranje.

Prikazani podaci o neto plati su informativnog karaktera. Elementi koji čine tačan iznos plate su promjenjivi u zavisnosti od broja radnih sati u mjesecu.

Za sva dodatna pojašnjenja, kontakt Služba za pravne, kadrovske i opće poslove, broj tel.: 033/720-185.